

# Balua na bhisí gba Djaa Eli na kalanu

Bhele kpála Djaa , aye nani balua gba e na bhisí pi òlò bini ne ongisi gba e. A mana mugito me, u aye pi Dadjua gba Ebhe inde u adu ayo Ebhe bhú e ne okpála inde bhúbhú. Engú na ndundu inde adu bhúbhú-o, a ko bha me u du ne mukunda sunda o. Ani atsia apa me u lila lio ka omusuno na eu, ne nasuno gba o-o.

**Ongbengbe ongú inde bhú bhuku inde-e ngae inde:**

Eli na kalanu 1-3

Engú na kalanu inde a ayo me mukunda mene e 4-6

Nalila lio ka nasuno na eu 7-11

Eli na soso 12-13

*Djaa yi okpála inde li Ebhe abhu o-o mayi*

<sup>1</sup> Ngama, Bhele Kpála , ma ngaye balua inde-e pi yi, Ohi ní,\* ngamu kpála inde li Ebhe abhu e di ne ongisi gba e inde ma ngakunda o na kukulu-o. Ma ngakunda bha yi ngama kpi ma kpi ade, ndu okpála hana inde ambila kukulu 'ngú-o akunda bhadi yi moko. <sup>2</sup> Padhá de, anga a ngadu bhú ní

---

\* **1:1** 1:1 Ohi ní: Okpála bhelé ngabundja me Ohi ní inde si-e, a ko Piga gba Ebhe, ongisi gba ani-e, a ko omabhuka .

ne engú na kùkùlù. La di-e, kùkùlù 'ngú ango-o adú bhú dabilì bini ne ní ndu 'kpí hana.

<sup>3</sup> A ayo me Ebhe 'Dyi ní, di ne Yesu Kilisito , Ndili gba 'Dyi ní-e, bhú mukunda di ne kùkùlù 'ngú gba o-o, suno bádha bhú 'bu pi ní, u dje ndjinga ní, amba u ha la di guo 'ngú pi ní.

### *Engú pindji engú na kùkùlù di ne mukunda*

<sup>4</sup> Ma akpi djali naali, anga ma abhaka ongisi koko gba m̄-o ngadholo bhú engú na kùkùlù, maka líli inde ní asia e ka 'Dyi ní ko. <sup>5</sup> Pi mbia inde-e, Ohi ní, engú inde ma ngayo e ka m̄-o, a ngae inde: ní d̄u ne mukunda s̄unda ní. A ko de me ma ngaye pi m̄u líli na mbia de, a ko líli inde ní asia e nayie bha bini li lilita† ko. <sup>6</sup> Lele li mukunda nde lie ngae inde: a ko namene olíli gba Ebhe-o. La di-e, líli ango-o, a ko bha bhende yi adje nani e nayie li lilita me, a ayo me yi d̄u bhú mukunda.

### *Yi lila liyi ka okpála napite okpála-a malila*

<sup>7</sup> Okpála bhelé inde ngapite okpála atsambala ne bilì ngangá p̄la doto. U ziba naao de me Yesu Kilisito ago nani bhú kute na kpála-kuti-e de. Kpála inde ngapa mo-o, a ko bhulù napite okpála, a ko la di bhulù yala gba Kilisito. <sup>8</sup> 'E-e! Yi lila liyi ngayi makpe-e ndjindji, ngubula me yi anéke makalá na kulu gba ya-a de. Engú bini, a ayo me yi sia makalá-a libhomu.

---

† **1:5** 1:5 Nayie li lilita: A ko nayie li nedhinga inde u adje nani 'li Ebhe lie ko. Tsia bhú lukuluku 6, di ne bhú 1 Dja. 2:7, 24, 3:11.

<sup>9</sup> Kpála ne kpála inde i lila nasuno inde u aha e pi yi pindji Kilisito de-e, inde i nga'o la di engú koko pépé-e, kpála ango-o bhú Ebhe ade. Kpála inde la ngalila nasuno ango-o, kpála ango-o ngadu bhú 'Dyi Ndili-o, di ne Ndili-o. <sup>10</sup> I du me kpála nde ago, ani suno la di pi yi engú koko kpi-e, yi asía ani agba yi de, yi abhia di kúo li ani de. <sup>11</sup> Padhá de, anga kpála inde abhia kúo li ani-e, a asuno bhomu-o me u akpøtø lio ne ani bhú osisiti 'ngú gba ani-o.

<sup>12</sup> Ma ne engú bhelé ngú napapa pi yi. La-a, ma kunda nayeye maye de, anga ma ne 'to ma 'to nanu agba yi oo, ngubula me ní gama 'ngú ne yi me ní nde ngau liní mau, amba ní kpi djali ndjindji.

<sup>13</sup> Ongisi gba Ndai mu na Øeø, kpála inde li Ebhe abhu e-e‡ apa me, o yi mu mayi.

---

‡ **1:13** 1:13 Ongisi gba Ndai mu na Øeø li Ebhe abhu e-o: A akunda napa me omabhuka na Dadjua na Ebhe li Djaa adu nadu lie-o.

**Gandja na Mbia**  
**Mayogo: Gandja na Mbia (New Testament)**

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

6b4904fb-f8ce-5931-8218-7cee8914232c